

Miercus 25
S. Miniât

Sabide 28
Ss. Simon e Jude

Martars 31
S. Quintin

Il proverbi
Sant Simon al da la clâf
al so paron



Il soreli
Ai 25 al jeve aes 7.37
e al va a mont aes 18.04

Joibe 26
Ss. Lucian e Marcian martars

Domenie 29
S. Narcis

Il timp
Frêt e nêf su lis monts.
E torne la ore solâr

Lis voris dal mês
Otubar al è un mês bon pes taleis,
massime par chês di camelie,
garoful e ortensie



La lune
Ai 28 prin cuart

Vinars 27
S. Gaudiôs

Lunis 30
S. Agnul d'Acri



■ SUCÈS PAL SERVIZI DE ASS 3 Whatsapp par furlan

Lis gnovis di promoziun de salût a corin su whatsapp, no dome par talian, ma ancje in dutis lis lenghis minorizadis dopradis in provincie di Udin. Il gnûf servizi di comunicazion de Aziende pe assistance sanitarie numar 3 «Friûl de Alte, Culinâr e Friûl di Mieç» al fâs un an e al è cetant preseât stant ai 2 mil utents za iscrits al servizi. Utents che a an domandât di jessi informâts ancje par furlan (330 richiestis), sloven (42) e todesc (30).

■ GONARS Fruts in biblioteche

Il sportel pe lenghe furlane, adun cu la biblioteche, al à prontât dai incuintris cui fruts des scuelis primaris di Gonars cun chês di fâur cognossi di plui il lôr país, doprant il furlan. Joibe ai 26 e vinars ai 27 di Otubar, i fruts des classis primis de primarie a laran in biblioteche, li che a podaran scoltâ contis sul steme e sui país dal Comun.

■ MUÇANE Mans in paste

Volêso imparâ a preparâ cu lis vuestris mans un pan profumât e une pize cetant sauride doprant la farine di Muçane? Di no pierdi il cors teorico e pratic che si fasarà a Muçane lunis ai 30 di Otubar des 2 aes 5 daspò misdi. Par informazions e par notâsi scrivi a: m.turello@agroforumiulii.it

Aes origjins dal Cristianisim aquileiês cul spettacul in sene vinars ai 27 di Otubar tal Domo di Codroip

Cui jerie Sante Sabide?

L'autôr Luca De Clara: «Ricuardâ Sante Sabide al è un mût par rifleti su lis origjins de nestre fede e par memoreâ lis peculiaritâts de storie dal nestri teritori»

MAI SINTÛT FEVELÂ di Sante Sabide? In efiet, e je une sante che nisun calendari o martirologi a registrin, e che il cult nol è cognossût fûr dal Friûl storic, ven a stâi di une bande di chel che une volte al jere il teritori aquileiês. No cate lis scuasit vincj capelis omonimis, glesutis votivis e anconis di ete antighe e medievâl in Friûl (a Guricis, ma ancje tes localitâts di Gleriis, Sant Andrà dal Cormôr, Risan, Ontagnan, Porpêt, Fraforean e in altris ancjemò), cheste sante e je stade a man a man emarginade e fate sfantâ vie sot des figuris di Sante Marie in Sabide, Sante Sabine, Sant Sabe. Bons. Guglielmo Biasutti, prime, e pre Gilberto Pressacco, po, tai lôr studis sul prin Cristianisim aquileiês, indi an viodût lis formis fossilis di un vecjo cult judaic cristian de zornade sante dai ebreus (che no a cês te lenghe furlane e je di gjenar feminil, tant che in

chê ebraiche).
«Tal costum milenari, inlidrisât te fedeltât ostinate aes origjins dai cristians des campagnis furlanis, si spieghes cu la volontât di mantignî intal stes moment tant che i festifs sedi la di de sabide che la di de domenie, ma ancje cul desiderî di savê salfs i bogns e i juscj di Israèl in grazie dal "vignî jù tal infier" di Jesù, fat propit te di de Sabide sante e tant cjare ae plui antighe fede de Glesie di Aquilee. Ricuardâ Sante Sabide, duncje, al è un mût par rifleti su lis origjins de nestre fede e par memoreâ lis peculiaritâts de storie dal nestri teritori», al spieghes Luca De Clara, autôr de azion seniche «La Sabide» che si fasarà vinars ai 27 di Otubar, aes 8 e mieze di sere, tal Domo di Codroip, pe regjie di Monica Aguzzi. A partecipin il Coro Sante Sabide di Guricis, la Compagnie filodramatiche Sot la nape di Roverêt di Vildivar e il Dipartiment di teatri de Scuole di musiche de citât di Codroip.



Te foto:
il Coro
Sante Sabide
di Guricis.

Il spettacul al è fat di une senegjature originâl e, pal plui, di cjants ineditis, comprendude une gnove «Scjarazzule marazzule» di Giorgio Mainerio. Protagonist principâl de sene al è il Coro Sante Sabide: tal cjant, tai moviments, te narazion. Dongje, musiciscj, balarins e atôrs professioniscj e semiprofessioniscj intun spettacul che al vûl fevelâ al cûr e al cjâf dal om di vuê.

Dal cult di Sante Sabide tal Friûl di mieç si fevelarà ancje domenie ai 29 di Otubar, aes 4 daspomisdi, intun incuintri te sale parochiâl di Codroip.

ERIKA ADAMI

67ª GIORNATA NAZIONALE DEL RINGRAZIAMENTO

«Le primizie dei frutti del suolo che tu, Signore, mi hai dato» (Dt 26,10).

DOMENICA 12 NOVEMBRE 2017 • ore 11.00

Basilica di Aquileia

SABATO 11 NOVEMBRE 2017 • ore 9.00

Seminario di studio

«La terra ospitale: esperienze di sviluppo della mobilità umana»

Cervignano del Friuli • Teatro Pasolini (Piazza Indipendenza, 34)



Per info: Federazione Regionale Coldiretti FVG - 0432.595811 - friulivg@coldiretti.it